



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726-400  
fax. +387 33 726-423  
e – mail: [info@voda.ba](mailto:info@voda.ba)

Broj: **UP-1/21-3-40-577-4/22**  
Datum: **04.01.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica, «AHMEDBEGOVIĆ» d.o.o. Gračanica za donošenje rješenja o vodnoj dozvoli za ispuštanje otpadnih voda u prirodni recipijent sa lokaliteta pogona za preradu drveta u naselju Polje, grad Gračanica, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

### **R J E Š E N J E** **o vodnoj dozvoli**

1. Pravnom licu, «AHMEDBEGOVIĆ» d.o.o. Gračanica daje se vodna dozvola za ispuštanje otpadnih voda u prirodni recipijent sa lokaliteta pogona za preradu drveta izgrađenog u naselju Polje na zemljištu označenom kao k.č. broj: 5515/1 i 5515/2 K.O. Gračanica, grad Gračanica.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
  - 2.1. Da se upotreba i korištenje predmetnog pogona za preradu drveta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
  - 2.2. Da se u roku važenja ovog Rješenja izvedu radovi na uređenju platoa prališta trupaca, i ostalih radnih i manipulativnih površina kompletnog pogona sa ciljem prikupljanja, odvodnje i tretmana otpadnih voda prije ispusta u krajnji recipijent kako je predviđeno projektnom dokumentacijom urađenom od strane projektne kuće «TEHNO BIRO» d.o.o. Tuzla (Projekat vanjskog uređenja, 2005. godina).
  - 2.3. Da se usvojenim tehničkim rješenjem iz projektne dokumentacije i realizovanim radovima poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent – rijeka Spreča, ostanu u maksimalno dopuštenim granicama definisanim članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
  - 2.4. Da se prikupljanje i privremeno skladištenje piljevine i otpadaka od drveta iz procesa prerade vrši na način da se onemogući njegovo rasipanje po okolnom terenu.
  - 2.5. Objekte koji će se, nakon realizacije projektom predviđenih radova, koristiti u svrhu prikupljanja, odvodnje i tretmana otpadnih voda nastalih na lokalitetu predmetnog pogona (slivnici i linijske slivne rešetke, taložnik, kompletna kanalizaciona mreža...) potrebno je održavati i koristiti na takav način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
  - 2.6. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa čvrstim opasnim i neopasnim otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
  - 2.7. Piljevina, drveni otpad, talog iz taložnika (nakon izgradnje) kao i ostali otpad koji nastaje na predmetnom lokalitetu ne smije odlagati na česticu «vodno dobro», odnosno u vodotok i na njegove obale.
  - 2.8. Vlasnik odnosno korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
  - 2.9. Korisnik objekta je dužan, nakon realizacije projektom predviđenih radova, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe

o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

- 2.10. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 25. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik predmetnog pogona obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog pogona za preradu drveta obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 1 (jedne) godine od dana pravosnažnosti ovog Rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### **O b r a z l o ž e n j e**

Pravno lice, «AHMEDBEGOVIĆ» d.o.o. Gračanica svojim zahtjevom zaprimljenim 24.10.2022. godine, zatražilo je od ove Agencije izdavanje vodne dozvole za ispuštanje otpadnih voda u prirodni recipijent sa lokaliteta pogona za preradu drveta izgrađenog u naselju Polje na zemljištu označenom kao k.č. broj: 5515/1 i 5515/2 K.O. Gračanica, grad Gračanica.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra (bez broja) izdatog dana 11.02.2022. godine od strane Općinskog suda u Tuzli,
- Ovjerena kopija Uvjerenja o poreznoj registraciji izdatog dana 10.10.2008. godine od strane Porezne uprave-Kantonalni porezni ured Tuzla,
- Kopija Uvjerenja o registraciji/upisu u jedinstveni registar obveznika indirektnih poreza broj: 04/1-UPP/1-8640/07 izdatog dana 01.08.2007. godine od strane Uprave za indirektno-neizravno oporezivanje Banja Luka,
- Kopija Saglasnosti za obavljanje djelatnosti rezanja drveta broj: 04-332-28/98 izdatog dana 27.10.1998, godine od strane Ministarstva poljoprivrede, šumarstva i vodoprivrede Tuzlanskog kantona,
- Kopija Rješenja o urbanističkoj saglasnosti broj: 07-364-542/97 izdatog dana 31.10.1997. godine od strane Sekretarijata za prostorno uređenje i stambeno-komunalne poslove Općina Gračanica,

- Kopija Rješenja o urbanističkoj saglasnosti broj: 06-23-004845-2002-SD izdatog dana 04.03.2003. godine od strane Službe za prostorno uređenje, stambeno-komunalne, geodetske i imovinsko-pravne poslove Općina Gračanica,
- Kopija Rješenja o odobrenju za građenje broj: 07-361-479/97 izdatog dana 11.12.1997. godine od strane Sekretarijata za prostorno uređenje i stambeno-komunalne poslove Općina Gračanica,
- Kopija Rješenja o odobrenju za građenje broj: 06-23-002099-2003-RM izdatog dana 28.06.2003. godine od strane Službe za prostorno uređenje, stambeno-komunalne, geodetske i imovinsko-pravne poslove Općina Gračanica,
- Kopija Rješenja o upotrebnoj dozvoli broj: 07-361-274/98 izdatog dana 09.08.1998. godine od strane Sekretarijata za prostorno uređenje i stambeno-komunalne poslove Općina Gračanica,
- Kopija Rješenja o upotrebnoj dozvoli broj: 06-23-000190/06 izdatog dana 08.02.2006. godine izdate od Službe za prostorno uređenje, geodetske i imovinsko-pravne poslove Općina Gračanica,
- Kopija Rješenja o upotrebnoj dozvoli broj: 06-23-4203-2007 izdatog dana 01.04.2008. godine od strane Službe za prostorno uređenje, geodetske i imovinsko-pravne poslove Općina Gračanica,
- Glavni projekat – vanjsko uređenje urađen od strane «TEHNO biro» d.o.o. Tuzla (broj: 28-J/05, juni 2005. godine) - na uvid,
- Izvještaj o ispitivanju broj: 584/13468/12 od 05.11.2013. godine urađen od strane Instituta za hemijsko inženjerstvo d.o.o. Tuzla,
- Kopija Ugovora o isporuci vode za piće broj: 000469/2006 zaključen dana 17.11.2006. godine između JP VODOVOD I KANALIZACIJA d.o.o. Gračanica i «AHMEDBEGOVIĆ» d.o.o. Gračanica,
- Kopija Rješenja o vodnoj dozvoli broj: UP-I/25-3-40-713-4/12 izdatog dana 18.02.2013. godine od strane «Agencije za vodno područje rijeke Save» Sarajevo,
- Kopija Rješenja o okolinskoj dozvoli broj: 12/01-23-26324/17 izdatog dana 07.11.2017. godine od strane Ministarstva prostornog uređenja i zaštite okolice Tuzlanskog kantona,
- Kopija Rješenja o vodnoj dozvoli broj: 04/1-11-21-31683/21 izdatog dana 12.11.2021. godine od strane Ministarstva poljoprivrede, šumarstva i vodoprivrede Tuzlanskog kantona,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 3. iz starog Rješenja o vodnoj dozvoli (broj: UP-I/25-3-40-713-4/12 od 18.02.2013. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva. Na osnovu očitovanja Službe za prikupljanje prihoda od vodnih naknada od 22.11.2022. godine konstatovano je da podnosilac zahtjeva «AHMEDBEGOVIĆ» d.o.o. Gračanica redovno izmiruje svoje obaveze uplate posebnih vodnih naknada.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), izvršen je obilazak predmetnog pogona dana 22.12.2022. godine i tom prilikom je sačinjen Zapisnik o uviđaju broj: UP-1/21-3-40-577-3/22.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Predmetni pogon za preradu drveta smješten je u naselju Polje, grad Gračanica i čine ga: upravna zgrada, silos za piljevinu, otvoreno skladište trupaca i rezane građe, kotlovnica sa sušarom, objekat sa brentom i proizvodni objekat. Kapacitet proizvodnje je do 5.000m<sup>3</sup> oblovine/god. Finalni proizvod je rezana građa.
- Za snabdijevanje vodom i ispuštanje sanitarno-fekalnih otpadnih voda podnosilac zahtjeva posjeduje Rješenje o vodnoj dozvoli izdato od strane Ministarstva poljoprivrede, šumarstva i vodoprivrede Tuzlanskog kantona.
- Piljevina nastala u postupku prerade drveta prikuplja se zatvorenim sistemom odsisa i odvodi u silos. Otpad od drveta i piljevina se koriste za kao energenti za potrebe vlastite kotlovnice a višak se prodaje.
- Otpadne vode nastale pranjem trupaca se slobodno slijevaju na teren kao i oborinske vode sa većeg dijela manipulativnog i radnog prostora pogona. Na jednom dijelu platoa evidentirano je postojanje linijske slivne rešetke putem koje se oborinske vode slijevaju u podzemlje.

- Projektnom dokumentacijom urađenom od strane «TEHNO biro» d.o.o. Tuzla (Glavni projekat – vanjsko uređenje, juni 2005. godine) predviđeno je da se oborinske i ostale onečišćene vode sa platoa pogona prikupljaju sistemom linijskih slivnih rešetki te putem sabirnog šahta odvede na tretman u taložnik a potom prečišćene vode ispuštaju u obodni kanal lokalnog puta sa krajnjim recipijentom-rijeka Spreča.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, «AHMEDBEGOVIĆ» d.o.o. Gračanica ispunio minimum uslova za izdavanje vodne dozvole za ispuštanje otpadnih voda u prirodni recipijent sa lokaliteta pogona za preradu drveta izgrađenog u naselju Polje, grad Gračanica, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-577-2/22 od 05.12.2022.godine.

Podnosilac zahtjeva je uplatio upravnu taksu u iznosu od 70KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

### **Uputa o pravnom lijeku:**

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.grad.

Po ovlaštenju:  
Rukovodilac sektora za izdavanje vodnih akata

  
Hans Alisehović, dipl.ing.grad.

Dostaviti:

- «AHMEDBEGOVIĆ» d.o.o. Gračanica  
Polje bb, 75320 Gračanica
- AVP Sava, ISV-vodna knjiga
- Sektor 50
- ⊖ Sektor 40 – arhiva
- oglasna ploča – AVP Sava